

<b>KONJUNKSJONAR .....</b>	<b>2</b>
<b>Å binde saman ord.....</b>	<b>3</b>
<b>Å binde saman setningar .....</b>	<b>4</b>

## KONJUNKSJONAR

**Konjunksjonar** er bindeord. Vi har fem konjunksjonar: **og**, **eller**, **men**, **for** og **så**. Konjunksjonane kan binde saman **ord** eller **setningar**.

Ord: Luisa **og** Leo er frå Cuba.

Setningar: Luisa skriv, **og** Leo les.

Ved oppramsing bruker vi **og** berre til å binde saman dei to siste orda. Mellom dei andre orda må vi bruke komma:

Mohammed snakkar kurdisk, arabisk, persisk **og** litt engelsk.

### 1

**Bind saman ord og setningar med *og*.**

Han har ei hytte. Han har ein båt.

---

Ho har ein katt. Han har ein hund.

---

Han liker å vere ute. Han går ofte på tur.

---

Eg må kjøpe brød. Eg må kjøpe mjølk. Eg må kjøpe frukt.

---

Vi liker å gå på ski. Vi liker å gå på skøyter. Vi liker å ake.

---

Eg skal til Oslo på onsdag. Eg skal til Bergen på torsdag.

---

## Å binde saman ord

Konjunksjonane **og**, **eller** og **men** bind saman like **ord**. Med like ord meiner vi ord frå same ordklasse og med same bøyning.

**og:** Luisa **og** Leo snakkar godt norsk.

**eller:** Snakkar dei norsk **eller** spansk heime?

**men:** Luisa snakkar ikkje norsk, **men** spansk med Leo heime.

## 2

**Set inn ein konjunksjon som passar.**

Vil du ha kaffi \_\_\_\_\_ te?

Kva for ein genser vil du ha? Den grønne \_\_\_\_\_ den raude genseren?

Carmen liker ikkje vinteren i Noreg, \_\_\_\_\_ ho gled seg til våren.

Du \_\_\_\_\_ eg må gå i butikken. Vi manglar brød.

Eg er lærar i fransk, \_\_\_\_\_ ikkje i engelsk og spansk.

**Konjunksjonane *eller* og *og* er ofte samansette.**

**både – og:** Både Luisa og Leo snakkar godt norsk.

**anten – eller:** Dei snakkar anten norsk eller spansk.

**verken – eller:** Dei snakkar verken spansk eller engelsk i timane, berre norsk!

## 3

**Bruk *både – og* eller *verken – eller* til å binde saman setningane.**

Luisa er frå Cuba. Leo er frå Cuba.

---

Carmen liker ikkje å fly. Arne liker ikkje å fly.

---

Eg må kjøpe ei grammatikkbok. Eg må kjøpe ei nynorsk ordbok.

---

Leo vil ikkje ta tran. Leo vil ikkje ta vitamin.

---

Vi har ikkje katt. Vi har ikkje hund.

---

Han har hytte. Han har båt.

---

Ho liker ikkje regn. Ho liker ikkje snø.

---

### Å binde saman setningar

Konjunksjonane **og**, **eller**, **men**, **for** og **så** bruker vi for å binde saman to setningar.

**Og** bruker vi når vi legg til meir informasjon:  
Luisa er frå Cuba, **og** Mohammed er frå Irak.

**Eller** bruker vi når vi har eit val:  
Snakkar Luisa spansk med Leo, **eller** snakkar dei norsk på fritida?

**Men** bruker vi når vi skal vise ei motsetning:  
Leo og Luisa snakkar godt norsk no, **men** for nokre år sidan snakka dei berre spansk.

**For** bruker vi når vi skal fortelje årsaka til noko, f.eks. kvifor noko skjer:  
No snakkar Leo norsk i butikken, **for** han kan mykje norsk.

**Så** viser konsekvensen av noko, kva noko fører til:  
Carmen kan mykje norsk no, **så** no snakkar ho norsk i butikken.

## 4

**Bind saman setningane. Vel mellom desse konjunksjonane: og, eller, men.**

Leo et gjerne ris og kjøt. Han et ikkje fisk.

---

Carmen liker å danse. Ho dansar ofte med Arne.

---

Arne liker å køyre bil. Han liker ikkje å fly.

---

Dei trivst godt i Noreg. Dei synest det er dyrt å bu her.

---

Ho liker sol og varme. Ho dreg ofte til Spania.

---

Carmen vil gjerne ha fisk til middag. Det vil ikkje Leo.

---

## 5

**Knyt saman setningane med *for* eller *så*.**

Ho kjøper ein kald brus. Ho er tørst.

---

Han er flink til å spele fotball. Han vart invitert til å vere med på laget.

---

Arne tek på seg regnkle. Han vil ikkje bli våt.

---

Luisa vil ikkje bli våt. Ho tek på seg regnkle.

---

Leo er ikkje redd for å bli våt. Han tek ikkje på seg regnkle.

---